

SCRIPT OF MORNING GOJRI NEWS BULLETIN 27 JUNE 1015

HRS

ما رنینگ گو جری نیوز بلیٹن مورخہ 27 جون 2025

یوہ آکا شوانی جموں ہے محمد اکرم تیں خبر سُنو۔

AXIOM 4 MISSION

بھارت نے سپیس ایکس ڈراگن خلائی جہاز کا طور ور تاریخ قائم کی ہے جس مانہ فضائیہ کا گروپ کپٹن شبہانشو شکلا سمیت ایگزیم چار عملو شاملہے گزشتہ روز بھارت کا ویلد گے مطابق 4 بجے بین العقوامی خلائی سٹیشن مانہ اہستہ شامل کیو گیو تے اس نال پہلا بھارتی خلائی باز نے بین العقوامی خلائی سٹیشن ور اپنا قدم چایا بین لکھنو مانہ پیدا ہون آلا شبہانشو شکلا نے 1984 مانہ راکیش شرما کی پرواز گے بعد خلا مانہ دوجا بھارتی غا طور ور سامنے آیا ہیں۔

LG APM

لیفٹینٹ گورنر منوج سنہا نے گزشتہ روز راج بھون سرینگر مانہ تمام سیاسی جماعتاں نال میٹنگ کی تاکہ آئندہ سری امرناتھ جی یاترا کی تیاریاں ور تبادلہ خیال کیو جاسکے وزیر اعلیٰ عمر عبداللہ سمیت تمام سیاسی جماعتاں توں نامور لیڈراں نے میٹنگ مانہ ہسو لیوجن مانہ بھارتیہ جنتا پارٹی توں ست شرما ہوا تے کانگریس توں تازہ چند تے غلام احمد میر شامل ہوا نیسنل کانفرنس توں شوکت احمد میر تے جگدیش سنگھ ازاد نے حصو لیو اُتے سیار آئی ایم کی طرفوں محمد یوسف تارا گامی تے جے کے پی سی توں سجاد غنی لون نے میٹنگ مانہ حصو لیو جموں کشمیر اپنی پارٹی توں سید الطاف بخاری تے پیپل ڈیموکریٹک پارٹی توں التجا مفتی تے جے کے پی ڈی ایف گا محمد یاسین نے میٹنگ مانہ حصو لیو لیفٹینٹ گورنر نے میٹنگ گے دوران تمام سیاسی رہنماواں کی طرفوں پیش کی گئی تجاویز تے انپت گو خیر مقدم کیو تے یاترہ نانہ یاتریاں واسطے پریشانی توں پال بنان واسطے تعاون کی خواہش کی وزیر اعلیٰ عمر عبداللہ تے دیگر نے اپنا عزم گو اعدا کیو تے یاترہ نانہ ہر طرح کی حمایت گو یقین دوايو۔

CM NCC

وزیر اعلیٰ عمر عبداللہ نے قومی این سی سی کیڈٹس تیں اپیل کی ہے کہ اپنی اپنی ریاستاں مانہ جموں کشمیر گا بارا مانہ اپنا مثبت تجربات لوکاں توڑی پُجائیں تے امن اتحاد تے ہم آہنگی غا سفیر بنیں اُنہاں نے سرینگر غا بدامی باغ کینٹ مانہ منعقدہ این سی سی سپیشل انٹی گریشن کیمپ 2025 غے دوران ایک رنگا رنگ ثقافتی پروگرام تیں خطاب کرتا واں کہیو کہ ملک غا مختلف حساں تیں آیا نوجوان کیڈٹس غی موجودگی وادی غا لوکاں واسطے حوصلہ افزا پیغام ہے۔ یوہ 12 روزاں گو کیمپ نوجواناں غے درمیان قومی اتھاد تے چقافتی تبادلہ نانہ فروغ دین غا مقصد تیں منعقد کیو گیو ہے وزیر اعلیٰ اس موقع ور مہمات خصوصی تھا اُنہاں نے کہیو اوں تھارا تیں اپیل کروں کہ تم واپس جاغے مارا سفیر بنیں۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 29 جون نانہہ آکا ش وانی ور من کی بات پروگرام مانہہ اپنا خیالات سانجہ کریں گایاہ ماہانہ ریڈیو پروگرام غی 123 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں۔ اج تجویز جمع کرن غی آخری تاریخ ہے۔

CS CITAG

چیف سیکرٹری اٹل ڈلو نے گزشتہ روز سول سیکرٹریٹ سرینگر مانہہ اختراع تے تحکیک اپنان بارے مرکز تے انتظامیہ کی باختیار کمیٹی کی میٹنگ کی صدارت کی جس مانہہ جموں کشمیر مانہہ موثر جوابدہ تے تحکیک نال چلن آلی حکومت چلان مانہہ اس گا اہم کردار ور زور دتو میٹنگ مانہہ مضبوط انسانی وسائل کی مدد کی ضرورت نانہہ آجاگر کرتا واں چیف سیکرٹری نے پیشہ وارانہ افراد ماہرین گا بروقت انکتکابات تے افرادی قوت نانہہ بروقت اضافہ واسطے اسامیاں ور زور دتو انہاں نے اس دوران پروجیکٹاں غی منصوبہ بندی دستاویزات فلیڈ تعاون تے محکماں نانہہ زمینی سطح ور عمل درآمد نانہہ مضبوط بنان واسطے مضبوط تربیت ور زور دتو۔

DC KISHTWAR FLOOD PREPAREDNESS

ڈپٹی کمشنر پنکج کمار شرما نے گزشتہ روز ضلع مانہہ سیلاب تیں نمڑن غی تیاریاں تے حکموت عمل گا جائزہ لین واسطے ایک اہم اجلاس غی صدارت کی ڈپٹی کمشنر نے جل شکتی، پی ڈی پی، آر اینڈ بی، پیپیم جی ایس وانی تے دیگر تمام متعلقہ ایجنسیاں نانہہ ہدایت کی کہ فوری طور ور ایک 24 گھنٹہ توڑی کم کرن آلو کنٹرول روم قائم کریں۔

PLANTATION DRIVE

ماحولیاتی تحفظ تے پائیدار شہری ترقی غی جانب ایک اہم قدم چاتا واں ڈپٹی کمشنر جموں سچن کمار ویشیا تے میونسپل کمشنر ڈاکٹر دیوانش یادو نے کل جامنو لوچن راٹری سول سیکرٹریٹ جموں غے قریب درخت لان غی مہم غی قیادت کی۔ یاہ مہم صاف جموں سر سبز جموں مہم غو حصو تھی جس غو مقصد ہرا بھرا علاقہ بدھانا موسمیاتی تبدیلی غا اثرات نانہہ کم کرنو تے عوام مانہہ ماحول دوست شعور پیدا کرنو ہے۔ یاہ مہم مختلف وارڈز تے علاقوں غا لوکاں نانہہ سر سبز جموں واسطے اپنا حصہ ڈالنے کی ترغیب دے رہی ہے۔ درخت لان غے دوران ڈپٹی کمشنر تے جے ایم سی کمشنر نے خود پودا لایا۔
